



9213

VI



Всего
Олецебургской:
СЛУЧАЕХЪ
1 р., съ перес. 1 р. 15 к.
Тернера. Сто хромо-
Швейден. Приложение:
всехъ случаевъ, уда-
всего: 1 р. 15 к.

409.

2262.

2262



Ա. Զ. Դ.

9213

Սուրբ Վանքիս վարժարանը՝ որ մինչեւ հիմայ միայն ժառանգաւոր աշակերտաց յատկացեալ էր, այսուհետեւ թոշակ վճարող աշակերտաց համար ալ բացուած կհամարուի : Այն կարծիքը՝ թէ աշխարհականի կրթութիւն եկեղեցականի կրթութեան համեմատ չէր երկու վիճակի համար որոշուած աշակերտներ միասնաբար չեն կրնար դաստիարակուիլ՝ սխալ եւ անհիմն է ողջմտութեամբ մտածողին աչքին . որովհետեւ Եւրոպացի զեղիւ բարուց տէր աշխարհականներ՝ նոյն աշխարհի մոլեռանդ կղերականներու կամ երկու հակադրական միապէս գարշելի ծայրերը իրարու հետ չկրնալ համեմատուելու զէպքէն մտած է այդ կարծիքը . ապա թէ ոչ մարդը, մտածելով միշտ քրիստոնեայ կամ աւետարանի աշակերտ անխտիր մէկ դաստիարակութեան ներքեւ է, պարտքի եւ իրաւունքի կողմանէ ամենքն ալ հաւասար են եկեղեցւոյ եւ աւետարանի օրինաց առջեւ . Մանաւանդ մեր ազգային եկեղեցւոյ պէս ամեն յաւելուածոյ նորաձեւութենէ անաղտ մնացած եկեղեցւոյ զաւկներ մէկ դաստիարակութեան ներքեւ ժողովելն ամենէն պատշաճ կերպն է : Այս պատշաճագոյն կերպը ընտրեցանք մենք : Գիտնալ պէտք է՝ որ թոշակաւոր աշակերտ յաւելցունելը դպրոցին ընութեան տարբերութիւն ընաւ պիտի չբերէ . թոշակ վճարող աշակերտները նոյն ուսումն եւ խնամք կրվայելեն ինչ որ ժառանգաւորք կվայելեն, ասոնց ծնողքներն ալ թոշակ վճարելուն համար ընաւ ազգեցութիւն եւ կարծիք չունին դպրոցին վրայ՝ ինչպէս չունին ժառանգաւորաց ծնողքները :

Այս դպրոցին մէջ չպիտի աւանդուին

1. Ուսումն հաւատոյ ըստ վարդապետութեան հայաստանեայց կաթողիկէ եկեղեցւոյ

մինչեւ բանասիրութեան տեսակները :

3. Գաղղիերէն .
4. Տաճկերէն .
5. Պատմութիւն սրբազան . ազգային եւ ընդհանուր
6. Պատմական հմտութիւն եւրոպայի քաղաքականութեան .
7. Քաղաքական տնտեսութիւն .
8. Երկրագործութիւն .
9. Աշխարհագրութիւն . բնական . ուսումնական . քաղաքական
10. Թուաբանութիւն .
11. Գրահաշիւ .
12. Երկրաչափութիւն .
13. Տոմարակալութիւն .
14. Գծագրութիւն .
15. Նկարչութիւն .
16. Բնագիտութիւն ,
17. Փիլիսոփայութեան Հոգեբանութիւն
 - « Տրամաբանութիւն
 - « Բարոյագիտութիւն
 - « Աստուածաբանութիւն
 - « Պատմութիւն :
18. Եկեղեցական երաժշտութիւն :



ՊԱՅՄԱՆՔ ԸՆԴՈՒՆԵԼՈՒԹԵԱՆ



ԺԱՌԱՆԳԱԻՈՐՔ

Ա. Անճնական հանգամանաց կողմանէ ընդունելութեան պայման է տարիքը , որ 13 էն վար եւ 15 էն վեր պիտի չըլլայ , սրամտութիւնը , բարեկազմութիւնն ու առողջութիւնը , այլ եւ պէտք է որ հասարակ ընթերցանութեան և գրի մէջ վարժ ըլլայ բաւական .

Բ. Ասոնց ծնողք կամ խնամակալք գիր պիտի տան սուրբ Ուխտիս վանահօր անուան . թէ մինչեւ վեց տարի դպրոցին մէջ տղային կամաց վրայ ազդեցութիւն պիտի չբանեցունեն .

Գ. Առժամանակեայ կերպով ասոնց հայրենիք երթալը արգիլեալ է գլխովին .

Դ. Ենողք եթէ իրենց զաւկներն վեց տարիէն առաջ դպրոցէն առնել ուզեն՝ իւրաքանչիւր տարւոյ համար երեւսուն հատ օսմանեան ոսկի պիտի վճարեն .

Ե. Տարածական կամ անբուժելի ախտ ունեցող եւ կամ բարուց եւ մտաց կողմանէ անյարմար դատուած աշակերտը կճամբուի երբ ալ ըլլայ .

Զ. Սուրբ Ուխտիս վանահայրը վանքին Էկողմէն պիտի վճարէ իւրաքանչիւր ժառանգաւորի համար քսան ոսկի օսմանեան , ասկէ զատ ուրիշ ծախք չճանչնար .



Թ Ո Շ Ծ Կ Ա Ի Ո Ր Ք

Ա. Ասոնց թիւն եւ հասակը անորոշ է , իւրաքանչիւրին ծնողք պիտի վճարեն քսանեւթեցական օսմանեան ոսկի , կէսը դպրոց մտած օրերնին , կէսն ալ վեցերորդ ամսոյ վերջին օրը , եւ այնպէս հետզհետէ որչափ ատեն որ ուզեն իրենց զաւկները թողուլ վարժարանի մէջ :

Բ. Աշակերտաց կերակուրը , անկողինը , համազգեստը , լուացքը , կարկառը , ուսումնական գործեաց , գրոց , եւ թղթոց ծախքերը դպրոցը կհոգայ . իսկ սովորական հանդերձները եւ թէ՛ արձակուրդի թէ՛ ուրիշ դէպքերով երթեւեկութեան եւ թէ՛ նամակներ եւ ուրիշ կարասիներ փոխադրելոյ ծախքերը ծնողք պիտի վճարեն :

Գ. Աշակերտ մը որ տարածական կամ անբուժելի ախտ ունի չընդունուիր , նոյնպէս դպրոցէն կճամբուի վերակացուաց կողմէն անյարմար դատուած աշակերտ մը :

Դ. Թոշակաւորք ընդհանուր տարին անգամ մը կրնան արձակուիլ յուլիս մէկէն մինչեւ օգոստոս մէկ :

Մ Ա Ս Ն Ա Ռ Ա Զ Ի Ն

ԱՇԱԿԵՐՏԱՅ ՀԱՄԱՐ ԿԱՆՈՆԱԴՐՈՒԹԻՒՆՔ

Ս Ե Ր Տ Ա Ր Ա Ն

Ա. Աշակերտք կպարտաւորին կարգաւ մտնել սերտարան եւ ամեն մէկն իւր տեղն երթալ ոտքի վրայ սպասել՝ որ աղթքի նշան տրուի . նշան տրուելուն պէս միաձայնութեամբ եւ պարկեշտութեամբ երգելու են : Աւարտելուն պէս դարձեալ սպասել՝ որ նստելոյ նշան տրուի :

Բ. Նստելուն պէս իւրաքանչիւրն իւր դասատետրին վրայ որոշեալ դասը պատրաստելու պիտի պարապի :

Գ. Սերտարանին մէջ դիմացէ դիմաց խօսիլ , քովի ընկերին հետ խօսքի բռնուիլ , իրարու գիրք , թուղթ եւ ո՛ր և է բան մը նետել , թուղթ պատուել , գիրք եւ գործիք աղտոտել արգիլեալ է :

Դ. Սերտարանէն դուրս ելլելոյ համար աշակերտը տեսչին հրամանին պիտի սպասէ :

Ե. Սերտարանի մէջ պատուհան բանալ գոցել , ժամացուցի ձեռք դպցունել եւ ձմեռն ալ վառարանի մէջ փայտ դնել արգիլեալ է :

Զ. Աշակերտը ձեռքերը միշտ գրասեղանի վրայ դրած պիտի ըլլայ :

Է. Սերտարանէն դուրս դասարան կամ սեղանատուն կամ եկեղեցի կամ զբօսարան երթալու համար առաջին նշանը տրուելուն պէս կպատրաստուին , երկրորդին ոտքի վրայ կեւրեն , երրորդին դուրս կքալեն :

Ը. Սերտարանէն դուրս եկած ատեն գրասեղանին վրայ ընտալ գիրք կամ գործիք , քաղաքի ախտի տուններ , այլ բո-

Թ. Դասարան երթալու համար միայն հոն պէտք ըլլալիք գրքերը եւ գործիքները պիտի առնէ հետ :

Ժ. Գլրոցները բանալի պիտի չունենան , բայց մէկն իր ընկերին գլրոցին բնաւ ձեռք անգամ չպիտի դպցունէ :

ՅԱ. Սերտարանի մէջ գրասեղանը կտրտել , պատերը աղտոտել եւ այլն արգիլեալ է :

ԺԲ. Աշակերտը երբոր այս կանոններուն դէմ կգործէ սերտարանի մէջ՝ պատիժն անմիջապէս տեսուչը կտնօրինէ մէջ տեղն ոտքի վրայ կամ յանձանքին ծանրութեան չափով ծնկան վրայ կկեցունէ . այսչափով չգլխատացողը սերտարանէն դուրս կմերժէ :

Դ Ա Ս Ա Ր Ա Ն

Ա. Աշակերտները դասարան մտնելուն պէս՝ զգաստուն կրարեւեն , տեղերնին կերթան առանց իրար դպչելու , գրասեղանին վրայ կդնեն գրքերնին եւ այլն եւ կսպասեն՝ որ նստելոյ նշանը տրուի :

Բ. Նստելուն պէս անմիջապէս գրքերնին կամ տետրնին բանալով դասի պիտի պատրաստուին :

Գ. Դաս սկսելու նշանը տրուելուն պէս ամենքն ալ պիտի դացեն գրքերնին , եւ ձեռքերնին խաչաձեւ դնելով սեղանի վրայ կհային դէպ 'ի դասատուն :

Դ. Դասն ըսելու ատեն ոտքի վրայ պիտի կանգնին եւ ձեռքերնին սեղանատախտակին վրայ դնեն :

Ե. Դասատուն կամ ընկեր մը գործողութեան տախտակին վրայ դասուն գործնականը ընելոյ ատեն ամենքն ալ հոն պիտի նային :

Զ. Վանահայրը երբոր կուգայ դասարան՝ աշակերտք ոտքի վրայ ելնելով անմիջապէս կսպասեն նորա ողջունին , զոր տրուելուն պէս կընդունին եւ դասատունն նշան տալով կը նստին :

Է. Դասատունէն բնաւ դուրս ելնել ներելի չէ , որ եւ է պատճառանքով :

պէս գրքերնին եւ գործիքնին կծողովեն , 'երկրորդ նշանին ոտքի վրայ կսպասեն , երրորդ նշանին կարգաւ եւ դարձեալ առանց իրար դպչելու եւ ոտնաձայն հանելու սերտարան կերթան :

Ս Ե Ղ Ա Ն Ա Տ Ո Ւ Ն

Ա. Սեղանատուն մտնելով իւրաքանչիւր աշակերտ իր տեղը կերթայ լուծեամբ եւ կսպասէ ոտից վերայ՝ որ աղօթքի եւ նստելոյ հրաման տրուի :

Բ. Տրդալ , պատառաքող կամ դանակ , հացի կտոր , և ջուր դետին նետել , հաց վատնել , ուտելու ատեն բերնին ձայնը հանել , սպասաւորին հետ բարձր ձայնով խօսիլ , ընկերին հետ խօսքի բռնուիլ եւ կարդացուած գրքին ուշադրութիւն չընել արգիլեալ է :

Գ. Բերնէն կերակուր հանել եւ դետին թափել արգիլեալ է . երբոր հարկը կբերէ՝ սկաւառակին վրայ դնելով՝ սպասաւորին նշան տալու է որ վերցունէ :

Դ. Սպասաւորին բան մը հրամայելը նշանացի կըլլայ սեղանատան մէջ :

Ե. Կերակրոյ ատեն արմուկը սեղանատախտակին վրայ մասնները քիթը տանիլ , եղունդ խառնել կամ կրծել , գլուխ քերել , ոտքերով չչնկոց հանել եւ դուրսէն ուտելիք գնելով հոն բերել գաղտ ուտել արգիլեալ է :

Զ. Ուտելը լմնալուն պէս իւրաքանչիւր ոք իւր 'սրբիչը կծալէ եւ լուծեամբ կսպասէ՝ որ աղօթքի ելլելու նշան տրուի :

Է. Աղօթքն ըլլալէ յետոյ նշան տրուելուն պէս կարգով և առանց վազվրդելու զբօսանքի կերթան :

Ը. Զբօսանքի երթալոյ ատեն գրպաննին կամ ձեռքերնին հաց կամ ո՛ր եւ է ուտելիք պիտի չունենան :

Ժ. Զգեստ փոխելն գիշերապահի հրամանաւ կրկայ, ճերմակեղէններն ամառն երկու անգամ շաբաթը, իսկ ձմեռն մէկ անգամ կրկայ շաբաթը :

L O T U S U F U E

Եւ Ոտք եւ գլուխ լուանալը շաբաթը մէկ անգամ կը լլայ
տեսին հրամանաւ :

2 F O U U 6 4

2. Աշակերտ մը զբօսանալ տեղէն բացակայ չկրնար գլտ.

Է. Բնական պէտքեր զբօսանքի ատեն վճարուած պիտի ըլլան :

Ը. Առաջին նշանը տրուելուն պէս յանկարծ ամենքն ալ պիտի ձգեն խաղերնին եւ աճապարանօք զետեղուին որոշուած տեղը :

Թ. Շրջագայութեան ելլելը միշտ հոգաբարձուին հրամանովը կըլլայ :

Ժ. Շրջագայութեան գացած տեղերնին մրդաստան մըտնել, ծառ ելլել, առանց հրամանի ջուր խմել, զօտի քակել, ամեն ձեռք անցած բան ուտել արգիլեալ է :

ՃԱ. Եուն, ձի կամ ուրիշ կենդանի դրդուել, խրտուցանել կամ հաւերու և թռչուններու քար նետել՝ արգիլեալ է :

ԺԲ. Ընդհանրապէս ամեն տեղ արգիլեալ է աշակերտին ծիւղել :

Ա Յ Յ Ե Լ Ո Ի Թ Ի Ի Ն

Ա. Աշակերտն առանց իւր հոգաբարձուին գիտութեան եւ հրամանին այցելութիւն չկրնար ընդունիլ մէկէն :

Բ. Խօսարանի մէջ աշակերտին ծանօթի կամ ազգականի հետ գաղտ խօսակցելը հոգաբարձուին տնօրինելովը կըլլայ :

Գ. Ո՛րեւ է նամակ կամ աւանդ թէ՛ ստակ ըլլայ թէ՛ հանդերձ եւ թէ՛ ուտելիք, որ կուգան ծանօթի կամ ազգականի, առանց հաւանութեան հոգաբարձուին չկրնար ընդունիլ :

Դ. Աշակերտն այցելութիւն ընդունելէ յառաջ պէտք է մաքրուի, փոխուի, և սանտրուի և այնպէս այցելութիւն ընդունի :

Ե. Թոշակաւորաց արձակուրդը լմնալուն հետեւեալ օրը ամենքն ալ ամբողջ պիտի դանուին վարժարանի մէջ :

Թ Ղ Թ Ա Կ Յ Ո Ի Թ Ի Ի Ն

Ա. Աշակերտը նամակ չկրնար զրկել առանց հրամանի հոգաբարձուին, ինչպէս նաեւ դրսէն եկած նամակ առանց հոգաբարձուին բանալուն չկրնար կարդալ :

Բ. Յպասաւորի նամակ չկրնար յանձնել եւ ոչ ալ անոր ձեռքէն ընդունիլ :

Գ. Աշակերտք պարտաւոր են գլխաւոր եւ տօն օրերուն իրենց ծնողաց կամ խնամակալաց շնորհաւորութեան գիր գրել :

Կ Ր Օ Ն Ա Կ Ա Ն Պ Ա Ր Տ Ա Ի Ո Ր Ո Ի Թ Ի Ի Ն Բ

Ա. Ամէն ժամերգութեան պահուն ներկայ պիտի գտնուին բոլոր աշակերտք :

Բ. Տարւոյն հինգ գլխաւոր տօներուն հարկաւորապէս սուրբ Հաղորդութեան պիտի մերձենան :

Գ. Ամէն կիրակէ առաւօտ սերտարանի մէջ ժամու մը չափ հաւաքուած պիտի ըլլան, ուր աւուր սուրբ Աւետարանը կրացատրէ կրօնագիտութեան դասատուն կամ հոգաբարձուն կամ անոր որոշած մէկ վարդապետը, եթէ նոյն կիրակէ եկեղեցւոյ մէջ քարոզիչը չէ բացատրած. իսկ եթէ բացատրած է, սուրբ գիրք կամ սուրբ գրոց մեկնութիւն պիտի կարդացուի :

Դ. Կիրակօրեայ զբօսանքը՝ կամ շրջագայութիւնը միշտ այս պարտաւորութիւնը կատարելէն ջեւքը պիտի ըլլայ :

Ե. Պէտք ունեցած ատեննին որոշուած խոստովանահօր հետ կրնան տեսնուիլ եկեղեցւոյ մէջ կրօնական խոստովանութեան առարկայ չղած նիւթերու վրայ :

Մ Ա Ս Ն Ե Ր Կ Ր Ո Ր Դ

ԿԱՆՈՆԻ ՊԱՇՏՈՆԵԻՅ ՎԱՐՃԱՐԱՆԻՆ

Հ Ո Գ Ա Բ Ա Ր Ջ Ո Ւ

Ա. Հոգաբարձուն դպրոցին գլխաւոր պաշտօնեայն է բոլոր պաշտօնեից վերադիտողը և ամսական վարձքերնին տուողը :

Բ. Հոգաբարձուն նիւթական մատակարարութեան ելից և մտից հաշիւը պիտի տայ Տնօրէն ժողովոյ տարին անգամ մը :

Գ. Դպրոցին կանոնաց վրայ հաւելուած կրնէ կամ կփոփոխէ հաւանութեամբ վանահօր :

Դ. Տեսչին և դասատուաց ու դիշերապահին կողմանէ տըղայոց բարուց և գործոց վրայ եղած դիտողութիւնք պիտի ընդունին , և վարձ կամ պատիժ աշակերտին պիտի տնօրինէ :

Ե. Վարժարանէն մերժուելու աշակերտին վրայ վանահօր տեղեկութիւն տալէ յետոյ կմերժէ :

Զ. Նոր խաղու հրամանը ինք պիտի տայ , ինք պիտի հրամայէ նաեւ հեռուն զբօսանքի երթալու համար :

Է. Աշակերտաց զրկած կամ դրսէն առած նամակները յառաջուց աչքէ պիտի անցունէ :

Ը. Դպրոցի պաշտօնեից վրայ լեազօր իշխանութիւն ունի :

Թ. Ամէն ամիս օրագրութիւնը աչքէ պիտի անցունէ և բարուց մէջ 90 թուոյն , իսկ դասերուն մէջ որոշեալ թուոյն համեմատ պատուոյ դիր պարգեւէ աշակերտաց :

Ժ. Բնութեան օրերը վրայ գալէ յառաջ դասատուաց և վանահօր կյայտնէ , և քննութիւն եղած օրը բոլոր միաբանութիւնը կհրաւիրէ :

Գ Ա Ս Ա Տ Ո Ւ Ք

Ա. Իւրաքանչիւր դասատու դասատուութեան ժամէն դունէ 5 վայրկեան յառաջ իր յատկացեալ դասարանը գըտնուի :

Բ. Ամեն դասու վերջը հետեւեալ դասու բացատրուի թիւնն ընէ հարկաւ :

Գ. Դասատուն պէտք է նշանակէ աշակերտաց իրենց դասը զուրցելուն աստիճանը հետեւեալ կերպով :

Քաջ 3

Լաւ 2

Միջակ 1

Վատ 0

Դ. Դասատուն՝ երբոր աշակերտը դասը բնաւ չգիտնար օրագրին մէջ մասնաւոր դիպուածոց կարգը անցունէ . նոյն պէս պիտի ընէ՝ երբոր վարուց կողմանէ մասնաւոր նշանակութեան հարկ կենայ :

Ե. Իւրաքանչիւր դասատու իր դասերը ամսական բաշխումի պիտի վերածէ գործածելիք դասագրքերուն վրայ՝ զորս հոգաբարձուն ձեռքը կուտայ , եւ պիտի վաւերացունել տայ ուսումնական խորհրդոյն :

Զ. Բնաւ ներելի չէ դասատուաց մտերմութիւն ունենալ աշակերտի մը հետ ո՛ր եւ է պատճառանքով :

Է. Իւրաքանչիւր աւուր դասուն պէտք է դասատուն գործն աւարտէ յորոշեալ ժամուն եւ դասարանէն արձակուելու նշան տայ աշակերտաց :

Ը. Բացարձակապէս արգիլեալ է դասատուաց ծխել կամ ուտել բան մը դասարանի մէջ :

Տ Ե Ս Ո Ւ Չ

Ա. Տեսուչը թէ՛ սերտարանի թէ՛ սեղանատան և դբօսանաց և չրջագայութեան ատեն անբաժանելի ըլլայ յաշակերտաց :

Բ. Իւր անմէկին եղած այս տեղերու բոլոր կանոնաց հըս կողութիւնը իրեն պարտքն է , զանցառութիւնը պատասխանատու կրնէ զինքը :

Գ. Սերտարանէն , սեղանատունէն , դբօսավայրէն , գասարաններէն դուրս ելլելու մտնելու արձակումները իւր նըշան տալուն վերապահեալ են :

Դ. Բարի վարուց նշանակէտներն , որ եւ

Քաջ 3

Լաւ 2

Միջակ 1

Վատ 0

տեսուչը կնշանակէ , ինչպէս նաեւ բարի վարուց դէմպատահած մասնաւոր դիպուածներն :

Ե. Աշակերտին կծու խօսք զուրցել ներքի չէ տեսչին ինչպէս նաեւ ապտակել , ընդհակառակն միշտ քաղցր և համբոյր պիտի ըլլայ խօսքը եւ վարմունքը :

Զ. Տեսչին արդիւեալ է գիշեր ատեն ննջարան մտնել աշակերտի մը հետ տեսակցիլ :

Է. Բացարձակապէս արդիւեալ է ծխել սերտարանի մէջ :

Ը. Գիշերապահը ձայն տուածին պէս պիտի ելլէ եւ վաղայարոյց զանգակը զարնէ յորոշեալ ժամանակին պատրաստութիւն ընել տայ եւ եկեղեցի տանի :

Թ. Արդիւեալ է աշակերտաց մէջ դաղտ կամ յայտնի լըրտեսներ կարգել :

Ժ. Աշակերտաց ծնողքներէն եկած և աշակերտներէն առնոսա զըկած թղթակցութիւնները հոգաբարձուին պիտի մատուցանէ :

ԺԱ. Տեսուչը ամեն երեկոյ դասատուաց օրագիրը աչքէ անցունէ և մասնաւոր դիպուածոց հետ հոգաբարձուին ներկայացունէ :

Գ Ի Շ Ե Ր Ա Պ Ա Հ

Ա. Գիշերապահը պէտք է ուշագիւր ըլլայ՝ որ երկու աշակերտ միանգամայն դուրս չգրկէ :

Բ. Պէտք է հսկէ բոլոր գիշերը եւ պէտք չէ դուրս ելլել կամ ժուռ գալ , կրնայ ննջարանին մէջ շրջել առանց ոտնաձայնի :

Գ. Ողջոյն գիշերը լապտերը վառ պիտի պահէ :

Դ. Ամառն չորեքշաբթի եւ շաբաթ , ձմեռը միայն շաբաթ իրիկուններ հարկաւորապէս ճերմակեղէնները փոխել պիտի տայ աշակերտաց :

Ե. Եկեղեցւոյ կոյնակէն կէս ժամ յառաջ պէտք է տեսուչն արթնցունէ :

Ս Պ Ա Ս Ս Ւ Ռ Բ

Ա. Սպասաւորը ամեն առաւօտ ամառն եւ ձմեռն՝ պէտք է աշակերտներէն առաջ արթննայ եւ լոյսերը եւ վառարանը պատրաստէ , նախ քան աշակերտաց սերտարան մտնելը :

Բ. Աշակերտաց յեկեղեցի գտնուած ատենները պիտի յարգարէ անկողինները , սրահները մաքրէ , եւ նախաճաշը պատրաստէ :

Գ. Չմեռ ատեն կրակարանի բոլոր փայտերը պատրաստ պիտի ունենայ :

Դ. Չմեռները չկրնար մտնել սերտարան աշակերտաց ներկայութեան կրակարան վառելու համար , բայց միայն որոշեալ ժամերուն :

Ե. Սպասաւորին պարտն է զգուշանալ՝ որ ոչ ոք բաց 'ի վանհօրէն , սերտարան եւ դասարան մտնէ : այսպիսի պարագայներու մէջ պէտք է անմիջապէս տեսչին իմաց տալ :

պատրաստէ եւ անյապաղ պատրաստ ըլլալն իմացունէ :

Է. Սեղանոյ կահկարասիքն , ինչպէս նաեւ ամեն իրենց ծառայութեան նիւթ եղած բաներ մաքուր պահէ :

Ը. Իրիկուան կերակուրը բերելու համար պէտք է սպա-
սէ՝ որ աշակերտք եկեղեցիէն ելլեն .

Թ. Վաճառոր մը չպիտի ունենայ ո՛ր եւ է յարաբերու-
թիւն աշակերտաց հետ . նոյնպէս աշակերտաց կողմէն ո՛չ նա-
մակ պիտի առնու տեղ մը տանելու կամ ղրկելու . եւ ոչ գըր-
պէն եկած նամակ կամ աւանդ յանձնէ աշակերտաց , այլ պէտք
է տեսչին յանձնէ :

Ժ. Ուր որ ջուր կարելոր է՝ պէտք է պատրաստ դռնուի
և ամեն շաբաթ օրեր ոտք և գլուխ լուալոյ ջուր պատրաստէ :



ΠΕΤΡΟΣ

ՄՄ Հայագիտական գրադարան



MAL044978

